



USAID
ამერიკელი ხალხისთვის

პროექტი ზრდა საქართველოში
ZRDA ACTIVITY IN GEORGIA



Chemonics
Development works here.

მოთხოვნა საგრანტო განაცხადზე # 101-2002-09-S-2019

**ღია გრუნტზე ხეხილოვანი, კენკროვანი და ბოსტნეული კულტურების
სადემონსტრაციო ნაკვეთების მოწყობის მიზნით.**

გამოქვეყნების თარიღი: 25 ნოემბერი, 2019

განაცხადების ჩაბარების ბოლო ვადა: 24 დეკემბერი, 2019 18:00 სთ

პატივცემულო განმცხადებელო:

USAID-ის პროექტი ზრდა საქართველოში, რომელსაც ახორციელებს ქემონიქს ინთერნეიშენალი, აცხადებს საგრანტო კონკურსს ზრდა პროექტის სამიზნე თემებში (იხ.დანართი #2) სადემონსტრაციო ნაკვეთების მოწყობის მიზნით. პროექტი ითვალისწინებს 0.1 - 1.0 ჰექტრამდე ხეხილოვანი, კენკროვანი და ბოსტნეული კულტურების სადემონსტრაციო ნაკვეთების მოწყობას, სადაც წარმოდგენილი იქნება წარმოების ინტენსიური ტექნოლოგიები: ჩითილის წარმოება, ირიგაციისა და ფერტიგაციის თანამედროვე სისტემები, პესტიციდების მართვის ინტეგრირებული მეთოდები, სარეველების კონტროლი და სხვა. **საგრანტო პროექტში მონაწილეობის მიღება შეუძლიათ აღნიშნული რეგიონების სამიზნე თემებში მცხოვრებ ფერმერებს, რომლებიც დარეგისტრირებული არიან ინდ. მეწარმედ, ან გამონაკლის შემთხვევაში აქვთ საგადასახადო რეგისტრაციის ნომერი, როგორც ფიზიკურ პირს თუ მათი წლიური შემოსავალი არ აღემატება 200 000 ლარს, გრანტი გაიცემა აგრეთვე მცირე და საშუალო საწარმოებზე, რომელთაც აქვთ სურვილი თანამონაწილეობის პრინციპით მოაწიონ სადემონსტრაციო ნაკვეთები. ფერმერის მხრიდან თანამონაწილეობა გულისხმობს როგორც შრომით თანამონაწილეობას, ასევე ფულად თანამონაწილეობას. ფერმერების მხრიდან ფულადი თანამონაწილეობა არ უნდა იყოს პროექტით გათვალისწინებული შესასყიდი მასალების (ირიგაციის სისტემა ფერტიგაციით, საჩითილე კასეტები, საჩრდილობელი ბადეები, საყრდენი სისტემა) ღირებულების არანაკლებ 30%-ისა. პროექტი ასევე ითვალისწინებს ბენეფიციარების ტექნიკურ დახმარებას ზრდა პროექტის ექსპერტების და ასევე სოფლისა და სოფლის მეურნეობის სამინისტროს საინფორმაციო საკონსულტაციო სამსახურების სპეციალისტების მხრიდან ტრენინგების და კონსულტაციების მიწოდების გზით. გრანტები გაიცემა და განხორციელდება USAID-ის და აშშ-ს მთავრობის იმ რეგულაციების დაცვით, რომლებიც გამოიყენება გრანტების, კონტრაქტების დროს, ზრდა პროექტის საგრანტო პროგრამის მართვის პოლიტიკის შესაბამისად.**



USAID
ამერიკელი ხალხისთვის

პროექტი ზრდა საქართველოში
ZRDA ACTIVITY IN GEORGIA



Chemonics
Development works here.

აპლიკანტებს შეუძლიათ შეკითხვები გამოაგზავნონ წერილობითი სახით ელექტრონულ ფოსტაზე: subawards@zrda.ge. ზრდა პასუხს გაცემს ყველა რელევანტურ შეკითხვას და გამოაქვეყნებს ზრდას ფეისბუქის გვერდზე, ან ვებ გვერდზე: www.zrda.ge. გთხოვთ გაითვალისწინოთ, რომ არ მოხდება კითხვებზე პასუხების ინდივიდუალურად გაგზავნა.

საგრანტო პროგრამასთან დაკავშირებული საინფორმაციო შეხვედრები გაიმართება 2019 წლის 11 დეკემბერს Zrda პროექტის რეგიონალურ ოფისებში, შემდეგი განრიგით:

11:00 სთ. ზუგდიდის ოფისი, ქ. ზუგდიდი, რ. ლალიძის ქ. N 3

12:00 სთ. ახალციხის ოფისი, ქ. ახალციხე, გვარამაძის ქ. N 21

15:00 სთ. მარნეულის ოფისი, ქ. მარნეული, რუსთაველის ქ. N 48

16:00 სთ. ახმეტის ოფისი ლესელიძის ქ. 36

საინფორმაციო შეხვედრები საშუალებას მისცემს დაინტერესებულ განმცხადებლებს დასვან კითხვები პროექტის განაცხადის შესახებ და მიიღონ პასუხები და მითითებები იმაზე, თუ როგორ შეავსონ განაცხადის ფორმები.

საჭიროების შემთხვევაში პროექტი ზრდა ჩანიშნავს დამატებით საინფორმაციო შეხვედრებს, და განახლებულ ინფორმაციას განათავსებს ზრდა-ს ფეისბუქ და ვებ გვერდებზე.

აპლიკანტებმა, რომლებსაც სურთ დაესწონ ზემოთ ხსენებულ საინფორმაციო შეხვედრას, უნდა დარეგისტრირდნენ ელექტრონულ ფოსტაზე: subawards@zrda.ge.

პროექტის განაცხადს თან ახლავს შემდეგი დანართები:

- **დანართი ა** – საგრანტო განაცხადის ფორმა;
- **დანართი ბ** – ზრდა პროექტის სამიზნე თემების/სოფლების ჩამონათვალი
- **დანართი გ** - სერტიფიკატები

ნაწილი I. პროგრამის აღწერა

Iა. მიზანი:

პროექტი ზრდა გეგმავს მოაწყოს სადემონსტრაციო ნაკვეთები ზრდა პროექტის სამიზნე თემებში ხეხილოვანი, კენკროვანი და ბოსტნეული კულტურების წარმოებას თანამედროვე ინტენსიური ტექნოლოგიისა და საწარმოო ხერხების გამოყენებით. სადემონსტრაციო ნაკვეთები ხელს შეუწყობს თანამედროვე ტექნოლოგიების გავრცელებას და მის გამოყენებას სხვა ფერმერულ მეურნეობებში რაც წინაპირობას წარმოადგენს ფერმერების მხრიდან მოსავლიანობის და შემოსავლების ზრდისა.



USAID
ამერიკელიზმის სახელმწიფო
დახმარება

პროექტი ზრდა საქართველოში
ZRDA ACTIVITY IN GEORGIA



იბ. მოკლე მიმოხილვა

USAID-ის მიერ დაფინანსებული პროექტი ზრდა არის ხუთწლიანი პროგრამა, რომელსაც ახორციელებს ქემონიქს ინტერნეიშენელი. იგი მიზნად ისახავს ადგილობრივი მოსახლეობის უნარ-ჩვევების, პროდუქტიულობისა და სავაჭრო კავშირების გაძლიერებას და სუსტი შინამეურნეოებიდან მიკრო, მცირე და საშუალო საწარმოებზე გადასვლას, რათა მათ ხელი შეუწყონ ეკონომიკის სხვადასხვა სფეროების განვითარებას და მიზნობრივი თემებში მდგრადობისა და სტაბილურობის მიღწევას.

პროექტი ზრდა გააძლიერებს მიკრო, საშუალო და მცირე საწარმოების განვითარებასა და ზრდას, გაზრდის სოფლის მოსახლეობის შესაძლებლობას მიიღონ შემოსავალი და ხელს შეუწყობს მეწარმეებსა და მყიდველებს შორის საბაზრო ურთიერთობების ჩამოყალიბებას, რაც განამტკიცებს საბაზრო სისტემას. შედეგად, პროექტი ხელს შეუწყობს მიკრო, საშუალო და მცირე საწარმოებში სამუშაო ადგილების შექმნას და გაყიდვების გაზრდას, ხოლო შინამეურნეოებში- შემოსავლის გაზრდას, რაც დაეხმარება სამიზნე თემებში მდგრადობისა და ცხოვრების დონის ზრდას.

იგ. პროგრამის აღწერა

საგრანტო პროექტის კონკურსის საფუძველზე პროექტი ზრდა, შეარჩევს ფერმერებს ზრდა პროექტის სამიზნე თემებიდან, რომლებიც დაინტერესებული არიან მოაწიონ 0.1 - 1.0-ჰექტრამდე ხეხილოვანი, კენკროვანი და ბოსტნეული (გარდა კარტოფილისა) კულტურების სადემონსტრაციო ნაკვეთები, სადაც წარმოდგენილი იქნება წარმოების ინტენსიური ტექნოლოგიები: ჩითილის წარმოება, ირიგაციის და ფერტიგაციის თანამედროვე სისტემები, მავნებლების მართვის ინტეგრირებული მეთოდები, სარეველების კონტროლი და სხვა. შესაძლებელია, ფერმერმა მოაწიოს 1 ჰა-ზე მეტი ფართის სადემონსტრაციო ნაკვეთი სურვილისამებრ. ასეთ შემთხვევაში, ზრდა პროექტი თანამონაწილეობას გაწევს მხოლოდ 1 ჰა-ზე.

ზრდა პროექტი თანამონაწილეობის პრინციპით დააფინანსებს წვეთოვან სარწყავ სისტემების, ფერტიგაციის სისტემების, საჩითილე კასეტების, მულჩის ფირის, საჩრდილობელი ბადის, საყრდენი სისტემების ღირებულების არაუმეტეს 70% (მაქსიმალური დაფინანსება არაუმეტეს 6000 ლარი), შესაბამისად ბენეფიციარის ფულადი თანამონაწილეობამ უნდა შეადგინოს მოთხოვნილი მასალების ღირებულების არანაკლებ 30%. ბენეფიციარმა თვითონ უნდა შეარჩიოს მომწოდებელი სოფლისა და სოფლის მეურნეობის განვითარების სააგენტოს მიერ იდენტიფიცირებული მომწოდებელთა სიიდან (იხ.ლინკი http://arda.gov.ge/projects/read/plant_future/74:child), ასევე ფერმერს შეუძლია შეარჩიოს სხვა მომწოდებელი, თუ მომწოდებელი შემდგომ იდენტიფიცირებული იქნება და რეკომენდებული ზრდა პროექტის მხრიდან. აპლიკაციის წარმოდგენისას ფერმერმა აპლიკაციასთან ერთად უნდა წარმოადგინოს ინვოისი მის მიერ შერჩეული



მომწოდებლისაგან მასალების და მომსახურების ჩამონათვალის, რაოდენობის, ერთეულის ფასის და საერთო ღირებულების მითითებით.

ზრდა პროექტი ასევე უზრუნველყოფს ბენეფიციარების ტექნიკურ დახმარებას, ზრდა პროექტის ექსპერტების და ასევე სოფლისა და სოფლის მეურნეობის სამინისტროს საინფორმაციო საკონსულტაციო სამსახურების სპეციალისტების მხრიდან ტრენინგების და კონსულტაციების მიწოდების გზით.

საგრანტო პროექტში შერჩეული ფერმერების პასუხისმგებლობა:

- ✓ ფერმერს უნდა ჰქონდეს მიწის ნაკვეთი (საკუთრებაში ან გრძელვადიანი იჯარით) სადემონსტრაციო ნაკვეთის მოსაწყობად, რომელსაც ექნება ელექტროენერგიის წყარო, სარწყავი წყალი და საგზაო ინფრასტრუქტურა;
- ✓ საჭიროების შემთხვევაში, ფერმერმა უნდა მოამზადოს მიწის ნაკვეთზე სათანადო სადრენაჟო სისტემა;
- ✓ მოამზადოს ნიადაგი;
- ✓ შეისყიდოს სათესლე და სანერგე მასალა;
- ✓ შეისყიდოს საჭირო სასუქები, აღმოცენებამდე და აღმოცენების შემდეგ გამოსაყენებელი ჰერბიციდები და პესტიციდები;
- ✓ დაფაროს სასოფლო-სამეურნეო კულტურების წარმოებასთან დაკავშირებული ნებისმიერი და ყველა საწარმოო ხარჯი;

ყველა ზემოთ ჩამოთვლილი ჩაითვლება როგორც ფერმერის თანამონაწილეობა და არ დაფინანსდება დამატებით ზრდა-ს მიერ.

USAID-ის ზრდა პროექტი საქართველოში აღიარებს, რომ რომელიმე გრანტის მიმღებს შესაძლოა დაჭირდეს დახმარება რათა უფრო ეფექტიანად განახორციელოს საქმიანობა. შესაბამისად, განმცხადებლებს მოვუწოდებთ დააფიქსირონ საკუთარი საჭიროებები ტექნიკური დახმარების მისაღებად ან ტრენინგის საჭიროება საკუთარ განაცხადებში.

I დ. უფლებამოსილება/მოქმედი მარეგულირებელი ნორმები

ზრდა პროექტის გრანტები შედგენილია აშშ საგარეო საქმეთა შესახებ კანონისა და USAID-ის წინასწარი დირექტივების სისტემის (ADS) საფუძველზე. ორგანიზაციებმა უნდა შეასრულონ ADS თავი 303, საფუძველზე წარმოდგენილი სახელმძღვანელო,

„გრანტები და თანამშრომლობის ხელშეკრულებები არასამთავრობო ორგანიზაციებისთვის“ და დაექვემდებარონ USAID სტანდარტული დებულებები აშშ არასამთავრობო მიმღებებისთვის, ასევე ზრდას გრანტების გაცემის შიდა პროცედურებს.



ADS 303 მიუთითებს დამატებით მარეგულირებელ დოკუმენტს, რომელიც გამოსცა აშშ-ს მთავრობის მენეჯმენტის და ბიუჯეტის განყოფილებამ (OMB) და აშშ საერთაშორისო განვითარების სააგენტომ.

2 CFR 200 ერთიანი ადმინისტრაციული მოთხოვნები, თვითღირებულების პრინციპები, და აუდიტური მოთხოვნები ფედერალური კონტრაქტებისთვის, ქვე- ნაწილი E (აშშ აპლიკანტები მთლიანად ექვემდებარებიან 2 CFR 200) 2 CFR 200 სრული ტექსტი იხილეთ

http://www.ecfr.gov/cgi-bin/text-idx?tpl=/ecfrbrowse/Title02/2cfr200_main_02.tpl

ზრდა-მ უნდა უზრუნველყოს, რომ ყველა ორგანიზაციამ, რომელიც იღებს USAID საგრანტო სახსრებს, შეასრულოს ზემოთ მითითებული სახელმძღვანელო, რომელიც ვრცელდება მათი გრანტების პირობებსა და დებულებებზე.

USAID იტოვებს უფლებას ნებისმიერ დროს მთლიანად ან ნაწილობრივ შეწყვიტოს, ზრდა პროექტის უფლებამოსილება გრანტების გაცემის ნაწილში.

ნაწილი II. მონაწილეობის მიღების უფლებამოსილება

პროექტის დამტკიცებული აქვს ქვე-გრანტების სახელმძღვანელო, სადაც განმარტებულია განმცხადებლების მონაწილეობის პირობები - მონაწილეობის უფლებამოსილების მოთხოვნები.

საგრანტო პროექტში მონაწილეობის მიღება შეუძლიათ ზრდა პროექტის სამიზნე თემებში მცხოვრებ ფერმერებს, რომლებიც დარეგისტრირებული არიან ინდ. მეწარმედ, ან გამონაკლის შემთხვევაში აქვთ საგადასახადო რეგისტრაციის ნომერი, როგორც ფიზიკურ პირს თუ მათი წლიური შემოსავალი არ აღემატება 200 000 ლარს, გრანტი გაიცემა აგრეთვე მცირე და საშუალო საწარმოებზე.

თანამონაწილეობა: ყველა ბენეფიციარს მოეთხოვება სულ მცირე 30% თანამონაწილეობა ან ნაღდი ფულის კონტრიბუცია მთლიან გამოყოფილ ბიუჯეტში (ზრდის ბიუჯეტს + აპლიკანტის ბიუჯეტი). აპლიკანტის მხრიდან ნაღდი ფულის გაღება შეფასდება დადებითად შეფასების პროცესში. კონტრიბუცია უნდა იყოს სრულად დოკუმენტირებული ინვოისებითა და სხვა დამატებითი დოკუმენტაციებით, რომელთა წარდგენაც შესაძლებელია მოითხოვოს ზრდამ. პროექტისთვის ნაღდი ფულის კონტრიბუცია უნდა იქნეს წინასწარ გაღებული ზრდის მიერ თანხების გადახდამდე ან ზრდის მიერ ბენეფიციარისთვის მოწყობილობების შეძენამდე.

ნაწილი III. ინფორმაცია განაცხადისა და წარდგენის შესახებ

III ა. ქვეგრანტის განაცხადი



IVA2. საგრანტო განაცხადი

აპლიკანტებმა უნდა წარმოადგინონ შევსებული საგრანტო განაცხადი. განაცხადის ფორმა თან ახლავს ამ მოთხოვნას (დანართი ა). ინვოისი შერჩეული მომწოდებლისგან, განაცხადი ან კონცეფციის დოკუმენტი, აგრეთვე დანართ გ-ში მოცემული სერტიფიკატები/მოწმობები ხელმოწერილი უნდა იყოს განმცხადებლის უფლებამოსილი აგენტის მიერ.

III ბ. დაუშვებელი ხარჯები

გრანტის ფარგლებში მიღებული რესურსი არ შეიძლება გამოყენებული იყოს შემდეგისთვის:

- მშენებლობა ან ნებისმიერი სახის ინფრასტრუქტურული საქმიანობა. მშენებლობა ასევე მოიცავს სარემონტო სამუშაოებს, რეკონსტრუქციას, გადაკეთებას და აღდგენის ხარჯებს.
- ცერემონიების, საღამოების, დღესასწაულების ან წარმომადგენლობითი ხარჯები.
- შეზღუდული საქონლის შესყიდვები, როგორცაა: შეზღუდული სასოფლო-სამეურნეო პროდუქტები, ავტომობილები მათ შორის მოტოციკლები, ფარმაცევტული პრეპარატები, სამედიცინო მოწყობილობები, კონტრაცეპტივები, მეორადი აღჭურვილობა; ზრდა პროექტის წინასწარი ნებართვის გარეშე, ან აკრძალული საქონელი, აკრძალული საქონელი USAID რეგულაციების თანახმად, მათ შორის და არა მხოლოდ შემდეგი: აბორტის მოწყობილობა და მომსახურებები, ფუფუნების საგნები და სხვა.
- ალკოჰოლური სასმელები.
- იმ საქონლის ან მომსახურებების შესყიდვა, რომელიც იზღუდება ან იკრძალება USAID წყარო / წარმოების ადგილი მოქმედი რეგულაციის შესაბამისად, (ბირმა (მიანმა), კუბა, ირანი, ჩრდილოეთ კორეა, (ჩრდილოეთ) სუდანი და სირია).
- ნებისმიერი შესყიდვა ან საქმიანობა, რომელიც უკვე განხორციელებულია.
- შესყიდვები ან საქმიანობები, რომელთა შესრულება არ ემსახურება ზრდა პროექტის გრანტით განსაზღვრულ მიზნებს.
- გრანტის მიმღების წინა (გრანტის მიღებამდე) ვალდებულებები და/ან ვალები, საურავები და პირგასამტეხლოები.
- შემოწირულობების ფონდების შექმნა.

ნაწილი IV. ინფორმაცია წარდგენის შესახებ

განაცხადები წარდგენილ უნდა იქნას ინგლისურ ან ქართულ ენაზე და მათი მოცულობა არ უნდა აღემატებოდეს 10 გვერდს.



USAID
ამერიკელი ხალხისათვის

პროექტი ზრდა საქართველოში
ZRDA ACTIVITY IN GEORGIA



განაცხადების წარდგენა/ჩაბარება შესაძლებელია ელექტრონულად შემდეგ ელექტრონულ ფოსტაზე: subawards@zrda.ge და/ან ბეჭდური ფორმით ზრდა პროექტის ოფისებში, შემდეგ მისამართებზე:

- თბილისი, ნინო რამიშვილის პირველი ჩიხი #9,
- ზუგდიდი, რ. ლალიძის ქუჩა #3
- ახალციხე, წმინდა დავით და კონსტანტინეს ქუჩა #21ა
- მარნეული, რუსთაველის ქუჩა #48
- ახმეტა, ლესელიძის ქუჩა #36

განაცხადში აუცილებლად უნდა მიეთითოს მოთხოვნის # 101-2002-09-S-2019. განაცხადები წარდგენილ უნდა იქნას არაუგვიანეს 2019 წლის 24 დეკემბრისა (18:00 სთ). დაგვიანებული ან შეუსაბამო განაცხადები არ განიხილება.

შენიშვნა: განაცხადების მიღება შეიძლება შეწყვეტილ იქნას ვადაზე ადრე, იმ შემთხვევაში, თუ ამოიწურება საგრანტო კონკურსისათვის გამოყოფილი თანხა.

განაცხადები წარდგენა უნდა განხორციელდეს ინგლისურად ან ქართულად და არ უნდა აღემატებოდეს 10 გვერდს დანართების გარეშე.

იმისათვის, რომ განაცხადი ჩაითვალოს სრულყოფილად, განმცხადებელმა უნდა წარადგინოს შემდეგი:

- სრულყოფილი, ხელმოწერილი საგრანტო განაცხადი;
- დანართ გ-ში მოცემული ხელმოწერილი სერთიფიკატები;
- მიწის ფლობის დამადასტურებელი დოკუმენტის ასლი (საიჯარო ხელშეკრულება საჭიროების შემთხვევაში);
- პირადობის მოწმობის ასლი;
- საგადასახადო ორგანოში რეგისტრაციის დოკუმენტი;
- ინვოისები შერჩეული მომწოდებლებისაგან;

გაითვალისწინეთ, რომ არასრული განაცხადი არ განიხილება.

გთხოვთ, ამ პროცესთან დაკავშირებული ყველა შეკითხვა გამოაგზავნოთ შემდეგ ელ.მისამართზე: subawards@zrda.ge

კითხვებზე პასუხები გამოვეყენდება ზრდა-ს ფეისბუქ და ვებ გვერდებზე www.zrda.ge, კვირაში ერთხელ მთელი პერიოდის განმავლობაში.



ნაწილი V. განაცხადების შეფასება კრიტერიუმების მიხედვით

განაცხადს განიხილავს შიდა შეფასების კომისია, რომლის წევრებიც იქნებიან ზრდა პროექტის ტექნიკური თანამშრომლები; განაცხადი შემოწმდება ქვემოთმოცემული კრიტერიუმებზე დაყრდნობით და ადგილზე ვიზიტისას ტექნიკური ჯგუფის მიერ მომზადებული დასკვნის საფუძველზე.

შეფასების კატეგორია	შეფასება
1. ტექნიკური მიდგომა	20
სარწყავი წყლის, ელ-ენერგიის და საგზაო ინფრასტრუქტურის ხელმისაწვდომობა, წარმოდგენილი განაცხადის შესაბამისობა პროექტის მიზნებთან	20
2. დასაქმება	10
ბენეფიციართა/დასაქმებულთა სავარაუდო რაოდენობა	10
3. მდგრადობა და ხარჯთეფექტურობა	50
დაგეგმილი საქმიანობების მდგრადობა	10
ფერმერის თანამონაწილეობა	40
4. გამოცდილება	20
სამუშაო გამოცდილება ამ სფეროში	20
ჯამში	100

*პროექტი მხოლოდ არასაკმარისი განაცხადების მიღების შემთხვევაში განიხილავს ზრდა პროექტის მიერ უკვე დაფინანსებული ფერმერების განაცხადებს;

ნაწილი VI. ინფორმაცია გრანტის მინიჭებისა და ადმინისტრირების შესახებ

ყველა გრანტი ექვემდებარება საბოლოო მოლაპარაკებას, დაითვლება და გაიცემა ქართულ ლარში.

გრანტის ფარგლებში გაწეული ყველა ხარჯი უნდა იყოს დასაშვები, დათვლადი და გონივრული/მიზანშეწონილი.

წინამდებარე მოთხოვნის გამოქვეყნება და განაცხადის შევსების პროცესში დახმარება არ გულისხმობს ზრდა პროექტის მიერ გრანტის გაცემას ან არ ავალდებულებს მას აპლიკანტების მიერ განაცხადის მომზადებასა და წარდგენაში



USAID
ამერიკელი სალხისბან

პროექტი ზრდა საქართველოში
ZRDA ACTIVITY IN GEORGIA



Chemonics
Development works here.

გაწეული ხარჯების დაფარვას. გარდა ამისა, ზრდა პროექტი უფლებას იტოვებს მიიღოს ან დაიწუნოს ნებისმიერი ან ყველა მიღებული განაცხადი და უფლებამოსილია მოითხოვოს დამატებითი განმარტებები განმცხადებლებისაგან. აპლიკანტებს წერილობით ეცნობებათ მათი განაცხადების თაობაზე მიღებული გადაწყვეტილების შესახებ.